




Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Simona Halep chun France mi Kristina Mladenovic hnein Mandrid Open Tennis title a lak. A zawna hi title wavihni a lakna a nih.

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/206

Churachandpur

email : hmasawnatharnews@yahoo.com

Phone: +91-3874-236846

Rs 6/- per copy

Vawisun People's Day; Zalen takin DC, DLOs hai inhmupui thei ding

CCPUR: Manipur sawrkarin thlatin ni 15 zat People's Day (Meeyamgi Numit) a hmangdinga a rel le inhrietirma a lo siem angin May 15, 2017, 10AM - 4PM inkarsung hin Churachandpur district-a khawm "People's Day" hmang ning a tih tiin Mr R. Sudhan, IAS, DC, CCPur chun inhrietirma a siem.

Mothers' Day an hmang tawl



CCPUR: May 14 Pathien-ni kha khawvel rambung tum tum han "Nu hai ni" (Mothers' Day) a an hmang ang bawkin Churachandpur khawpui sunga Kohran tum tum hai khawmin ursun takin an hmang tawl. Mothers' Day hmang dan inangaw nuol sienkhawm hi ni hi Nu hai chawimawina huna hmang a ni tak a. Biekin thenkhat chun naupang han nu hlutna le ropuina hai suklangin item hran hran inlangtirna an nei a. Thenkhat chun Kohran pum huopin Mothers' Day thingpui an buotsai tawl.

Meitei Centric Mentality hi ei pei thlak a tul: CM Art & Culture Sukhmasawna dingin kumtin lakh 5 pek ding

IMPHAL: Manipur-a hnam hran hran hai lai inremna le muongna a um a, pumkhat anga ingaina a um theina ding chun Meitei-eihai hin unau upa lem ngirhmuna ngirin, mawphurna lain mani hmakhuo chau ngaituona Meitei Centric Mentality hi ei pei thlak a tul" tiin Chief Minister Mr N. Biren Singh chun a hril.

Hi thu hi Pathien-ni Manipuri Sahitya Parishad, Imphal le Department of Art & Culture, Government of Manipur han 82nd Annual Meet-cum-Award Distribution Ceremony of Manipur Sahitya Parishad, Maharaja Chandrakirti Auditorium-a an nei huna a hril a nih. Annual Meet, litera-



ture le art & culture tienga themna neihai lawmman semna huna hin CM Mr N. Biren Singh, Health & FW le Art & Culture minister Mr L. Jayantakumar Singh le President, MSP, Prof. N. Tombi Singh hai khuolien, khuol inzaum le khuol chawngpu in an thang a nih.

Manipur-ah sawrkâr t ha siem hi a sawrkâr thiltum tak nia hrilin, CM N. Biren Singh a hril a, ei rengin pumkhat ingaina lungri la ei nei theina dingin ei themna le ei varnahai thaw khawmin thang ei lak tlâng a tul a nih tiin a hril. Sawrkâr chun indik-

tak le ringumtakin, inlang tlang vawnga iengkim thaw a tum a, mipuihai harsatna ngaithla dingin sawrkarin kawt iengtklai khawm a hawng zing niin a hril baw. Mipuihaiin tuta inthawka sawtnawte ah chu State hmasawna (development)

iemani chen bekah hmasawna thar le danglamna an hmu ngei a beisei thu a hril a. Mipuihai thlawpna le thangpuina thang lo chun thla li nêka sawt 'economic blockade' le kum hni nêka tam "Anti Tribal Bills" dodalna leia nuomahai khawm kha sukfel thei ni naw'ng an tih tiin Mr N. Biren Singh chun a hril baw.

Khawtlâng, ram le hnam tungdingna kawngah Media han siemthatna sin indik tak (positive and constructive role) an nei/thaw a pawimaw ti thu a hrila. Media le chanchinbu hai chu tharum insuona le inrikrapna thil le sawrkâr demna thuhai ringawt amanih, khawvêla ei State sukhmelsie theitu ding thilhai chu insuo ngai lo dingin

a ngên tâwl baw.

Hi huna hin Chief minister chun Literature, Art & Culture sukhmasawna dingin, abikin Manipur Sahitya Parishad thangpuina dingin kum tin Rs.5 lakh recurrent grant pek dingin an tiem. Literature, Art & Culture tienga sin thaw t ha bikhai kuomah lawmman chi hran hran 26 a pek suok a, chuonghai lai chun Sahitya Bhusan, Sangeet Bhusan, Natya Bhusan, Kala Bhusan hai an thang a. Chawimawina le awmman sumfai pek an nih.

Lawmman dawngtuhai lai hin famtah Yumnam Yaima, Sagolsem Tijendra Singh, Lourebam Bedabati Gangmei, Aluna Kabui le Rani Khidir Devi hai khawm an thang.

BJP candidate dingin K. Bhabananda

IMPHAL: May 25, 2017 a Manipur-a Rajya Sabha seat khat uma byelection hung um dingah BJP candidate dingin BJP Central Election Committee chun Bjp Manipur Pradesh President K. Bhabananda an ruot. Lok

Jhanshakti Party (LJP), Manipur chun Rajya Sabha seats khata byelection hung um dingah hin BJP candidate thlawp dingin thutlukna an siem niin LJP, Manipur General Secretary, A. Kishore Singh chun a hril.

IPR Director in lekhabu a tlangzar

IMPHAL: Nagaland-a um Senior Journalist Oken Jet Sandham in a ziek le buotsai "Modi Walking on Elusive Naga Peace" ti chu zanikhan IPR Director Meghachandra Kongbam in State Information Centre, Palace Gate, imphal hmuna a hawng.

Journalist-hai chun an tawnhriet hai ziek ngeia an tarlang hi thil tul le pawimaw a nih tiin Meghachandra Kongbam chun thu a hril huna a hril-lang.

District HQ. tinah Emporium hawng ding

IMPHAL: Zanita Ucheckon, Laikon Lampak-a Reception Ceremony-cum-Opening of New Bank Account of Weavers hun hmangnaa Manipur Textile, Commerce & Indus-

tries Minister Th. Biswajit Singh in thu a hrilnaa chun, District Headquarters tinah Handloom & Handicraft Emporium hawng le Loitang Khunou hmunah Manipur Spinning Mill sukthar nawk

ning a tih tiin a hril.

Chun, sawrkâr thlungpuiin ei state a puonkhawngtuhai ta dingin Solar Power Looms nuoli lai hung pek a remtih tiin Th. Biswajit Singh chun a hril baw.

Dan kala lung le phaiphin phur Trucks 10 man



IMPHAL: Forest Check Post, Mantripukhri, Imphal West chun Toll tax pe lo

le dan kala Lung le phaiphin phur Trucks 10 an man tiin Forest & Environment Minister Th. Shyamkumar chun a hril. Minister hin zanikhan Forest Check Post, Sekmai le Kanglembi, Imphal West District hai a va sir.

Forest Department chun kum khat sun-gin sie (Revenue) Rs. 100 crore bek hmu a tum a nih tiin Th. Shyamkumar chun a hril.

May 15 in Open Pasalḥa Fahrel inher inelna a um ding

CCPUR: May 15, 2017 (Monday) chawhma dar 10:30 AM hin Saikot Playground, CCPur hmun ah tukum May 16-a Hmar Martyrs' Day inserna le The 14th MSL-Hmar Martyrs' Trophy Football

Tournament 2017 Grand Finale a um ding le inzaum Open Hmar Martyrs' Trophy (Traditional Games & Sports) Pasalḥa Fahrel inher inelna um a tih. Fahrel inher inelna a hin khaw tina inthawk

mi pahni (2) pei thangning a ta, a thang ding haiin Saikot Playground, CCPur pan el ding a ni a, a thang nuom han Pu Richard Lalṭanpuia (+91 8974562199) contact thei ning a tih tiin Hmar

Martyrs' Trophy Organising Board (HMARTOB) chun social media hman-gin inhrietirma le fielna an siem. Lawmman chu Hmar Martyrs' Day niin sem a ni ding niin HMARTOB chun an hril.



Narendra Modi
Prime Minister

सर्वसामान्य जनसंघ



N. Biren Singh
Chief Minister

MEEYAMGI NUMIT

মীয়ামগী নুমিৎ

Public Interaction of Hon'ble Chief Minister, Manipur

On Monday, the 15th May, 2017

Timing 10:00 a.m. to 4:00 p.m.

GOVERNMENT OF MANIPUR

Chief Minister's Secretariat, Imphal, Manipur

VAWISUN THUPUI

Chun sandamna lukhum le Thlarau ngun hnam, Pathien Thu chu, la un la, tawngtaina le hnina tinrengin, Ieng huna khawm Thlarauva tawngtanni, chu kawnga chun mithienghlimhai popo ta dingin thahnemngaitak le hni tlatin ngaiven ro.

- Efesi 6:17-18

Editorial Beiseina

Mihriemhai ta dinga hmasawna, thathona, phurna, hratina le thaw nuomma mi petu chu beiseina hi a nih. Lungril kim lo le mi invet let der ni lova beiseina nei theia ei um hi mi pangngaihai vangneina a nih. In-chuklaihai ta dinga tangkai em em el a ni ang thovin sin chi hran hran thawtu hai khawmin beiseina hih a tangkai hle a nih. Mani ngirhmun pangngai neka insang lem senga um beiseina chun phur takin sin a min thawtir a nih. A tam lem, an sang lem le a tha lem sik thei dinga inbeiseina chun inrim taka thaw khawm a min rintir naw a nih. Beiseina chun lampui thar a min ngaituotirin a min dapsuoktir thei hlak a nih. Beiseina hi mihriem hai ta dinga thil hlu takel, malsawmna le hlawtlingna chi tum tum mi petu a nih. Hi lei hin ei Bible khawma mihriemhai chu beiseina neinawhai anga um lo dingin a min chuktir a nih.

Khawvela mihriemhai hringnun sukhlimtu pakhat chu beiseina hi a nih. Ei thaw dam, ei inchuk dam, ei inrimna dam, tha le zung, sum le pai ei seng ngamna dam, ei lunglira ei inpekzona le ei inhuomma hai dam hi thil iemani tak beiseina ei nei hlak lei a nih. Ei thil beiseihai chu a tlangpuiin ei ta dinga hlakna, tangkaina, hlawtlingna, malsawmna, thil tha, thil lawmum le ngirhmun tha lema mi hlangkai-tu ding thil an ni hlak. Beiseina hi mihriem hringnun thui ngil theitu a nih.

Damnawhai khawm hin dam nawk an inbeisei chun an dam inhma pha thei hlak. Beiseina hrim hrim nei talo hai chun thaw nuomma, taimakna, tuorselna, tumruna le hmatiang panga tha le a hlumum zawnga ngaituona le thlirna hai dam hi an nei pei ta ngai nawh. An hringnun a ngui a, dit le thlakha em an nei ta ngai nawh. Chuongchun an natna chun a hung fak siet tiel tiel a, a tawpach chun an khawvel nun chu a hung tawi ngawi ngawi a, an hunt hi hlak. Hieng a ni lei hin mihriem pangai le invet biling der lo hai ta ding chun damsung hunah hin beiseina nei ding a nih.

Beiseina eng leh thil ei thaw chun ieng sin khawm thaw inhwai le phur taka thaw thei a nih. Chu beiseina chun mihriem nun a sukhlimin a sukhinawai a, ha a hung dam a, mi a sukphur tharin a suk taima sawt hlak. Thil harsa tak sutlang ding khawmin mihai thahrui a pek thei hlak. Thazawi, chau le lungnuor tahai khawm a hung sukphurin a hung sukhrat nawk hlak. Chau le ngui taka um hai khawm beiseina an nei phawt chun an hung harsuok nawk hlak. Beiseina hi mihriemhai tungding thar nawk theitu a nih. Ieng-ganga harsatna le buoina khawm nei inla, beiseina thar neia mihriem han ei hmasuon ngam phawt chun hlikieng thei a nih ti hi hriet tlat ding a nih.

Mihriem ni ve chun beiseina eng hi nei ngei ngei ding a nih. Ei beiseina chu a tha tiengpang, hmasawna tiengpang ngha, mani chau khawm ni lo, midanghai ta ding khawma beiseina thar siempektu ni thei lem inla chu a ropui hle ding a nih. Hieng a ni lei hin beiseina lien le insangtak neia mani hmazawng sengah phur le taima takin sin thaw seng ei tiu. Beiseina neia sin ei thaw ngam chun hlawtlingna le malsawmna hi dawng thei a nih. Mihai neka insie hnouina lunglil nei khawm hi tlawmna lunglil le tlawmna nun indiklo a nih.

Mihriem beiseina nei lo hai chu mi invet hai hi an nih. An invet tlat leia hmatiang beiseina hi an nei thei naw a nih. Pathienin mihriem pangngai a mi siem hai hin chu beiseina nei ngei ngei ding a nih. Mihriem, beiseina eng nei lo, a tha tieng ngaituo lo le beisei ngai lova an thim tiengpang zawng vawng ngaituo hlak hai hi mi vangduoi le mi lungsiet um an nih. Beiseina eng nei ding chun thaw ngam, tuor ngam le hmasuon ngam ding a nih. Ei thaw si naw a, ei tuor ngam si naw ruok chun beiseina nei inla khawm ei beiseina chu beiseina thlawn le takchang ngailo a hung ni ding a nih.

ALL INDIA RADIO: CHURACHANDPUR PROGRAMME		
Date: May 15, 2017 (Thawtanni)		
TRANSMISSION- FM-101.4 Megahertz		
Hours	Studio/CR/P	Programme
4.53pm	CR/P	Signature
4.55pm		Vande Mataram, Time Reading, Opening Announcement
5.00pm	P	Hymns to God : (Paite) V. Nunlian & party (dev_)
5.05pm	P	Local Announcement/Prog. Summary
5.10pm	P	Minor Dialect (Vaiphei): C. Hoiniang & party
5.25pm	P	Science Hints(Paite): Meh huan bawh hoiniate - by Chingnummawii
5.30pm	P	PAITE Prog. Sig. Tune & Announcement Announcer: Ngaiiaklun 1) Listener's Choice (mod)
6.00pm	P	HMAR Prog., sig. Tune & Announcement Announcer: Lallawmsang 1) Listener's Choice (dev)
7:00PM	P	THADOU Prog., sig. Tune & Announcement Announcer: Ngaineliam 1) Listener's Choice (mod)
		Farm & Home: Paite 1. Donlanching (mod) 2. Talk: Role of women in housekeeping

Editorial Board

Lalmalsawm Sellate: Editor & Publisher

Roding L. Sellate: Jt. Editor

Joseph Joute: Freelance

Lalsansuok Pulamte &

Samuel Zothanglien@SZ Zote:Sports

Lalruotlien Dulien: Computer Assistant

Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

TUITHAPHAI DIARY-5

By: L.Keivom

A tir chun Tuihaphai Diary hi tum khata a tlangpui chauh inhuom phuora ziek ka tum a. Sienkhawm titina ding a lo tam bakah ei ngirhmun ei inbi chieng theina dinga ka ngai thu thenkhat, abikin tlangram-phairam le a mi chenghai inkara chadan inthuk tak inkhang chanchin le December 2016-a Revenue Districts thar pasari hung pieng, ei lawm em ema dam khan phiirukna tum inphum ruk uma ka hmu dam, chuong thilhai chu inhril hrietna dinga artikol iemani zat ka lo ziek tah hai chu hang tuihni sap met ka nuom lein a lo sei tah hle a. Chuleiin, tuta tum chu a tlang kawmin khar zai rel tah inla.

Indaidanna bang (narrow domestic walls)

Asia khawmuolpuia literechar tienga Nobel Prize dawng hmasa tak Rabindranath Tagore chun kum 1913-a Nobel nopui a dawmna 'Gitanjali' (Inhlanna Hla) No. 35-ah zalenna ram a hlou nuom chu "indaidanna bang chi te in khawvel a daidan darh nawna hmun" (where the world has not been broken up into fragments by narrow domestic walls) a nizie thu a lo hril a. Chuong ang ram chu Tuihaphaia hin a um le um naw thu indawn inla, a ieng dawmna hi 'm indikin ei ngai ding aw? Chuong ang ram chu (i) A la um ngai nawh; (ii) A um hlaka chu a um ta nawh; (iii) Um dinga buotsai mek a nih; (iv) Inlak bingna le inpubilna hriin a fak siet sung chun um ngai naw nih; (v) Pipu thuvur, 'Sem sem, dam dam; ei bil, thi thi' ti hi a taka hman nachang hretuhaiin la hung indin an tih. "Pathien ram chu nangni-ah a um" (The kingdom of God is within you-Lk 17:21) titu thukhawng tho kha thudik buktu chu a ni hlak.

Mihriem hi Pathien ram tlungna dinga Ama angpuia siem ei ni thu ei hril laiin, mihriem tluka daidartu tum thilsiemhai lai pakhat khawm a um nawh. Sakhuo ei ti po po indin tum chu hnuoia Pathien ram le thlan khela chatuona thlarau chaw hadamna a nih. Chu chu ti le inthin (inza tak) puma thaw suok dingin Tirko Paula chun Filipi mihai a hril (Fil 2:12). Sienkhawm, sakhuo tinin mani sakhuo indik taka an ngai seng leiin, ui le kel thlung kawp an hril ang el an ni vawng bawk si. Tobul thuhmun intawm, Saptawnga "People of the Book" an ti, Juda sakhuo, Kristien sakhuo le Islam sakhuo zuituhai dam hi entima t ha tak an nih. Kristien sakhuo sunga khawm inpui changtua inngai Roman Catholic le helpawla an ngai Protestant intihai inkar chu, van ram le hremhmun a ni tawp. Ei Baibil hman chu thuhmun tho.

Eini rawi hi ei vangduoi zuol. Khawvel hrieta kohran pawl ngirhai le inzawmna mumal nei lo, kohran inthouina dana rawngbawltu nina chel thei dinga namdetna khawm dawng lo, mani thahnemngainna tuolto kohran lo phunhai inkara inbakkeinaah an mi lo kei lut a. A ieng a khaw hre chieng loin, ei tan zawnggai tieng a kul a taiin ei lo thang ve a. Indaidanna thlarau hring suok chu inngirhngona le inchemharna chauh a nih ti hre thei loin, mingo an ni lei ringawtin, an thubai chu ei bu tak khukupi a, pawl dai ei insakkhum fir fer a. Chu huong sunga chun ei Pathien seng biek lungawi ei tum a, ei pawl ta ding bikin a hmaah dawwan ei kai a, thawlawm ei indawl a. Lu nina le thuoitu nina chelhai hlakin ei berambai chu mani tanghma kei zawnga pumbil ei tum a, ei ti naw zawng deua khawsaa ei ngaihai chu thlathlathak ei tum nghal bawk a. Buoina a suok pha leh a theltu le ching feltu dinga ngai, pawl tina lu nina chelthuhai kha buoina siemtu lu-ah an thang nghal pei leiin, buoi naw ziezang ei ni nawh. Hi hi Pathien ram indintu ni loa Pathien hming sala mani lalram indintuhai ra suok a ni hlak. Indik tak chun Pathien thu-ah ei buoi phak nawh; mani ngirhmun sukngethna dinga kuo suotna le thang laknaah ei buoi lem.

Khawvel hmun hrang hranga palai sin thawa kan khawsak hnung hin kar khatah vawi khat bek, abikin Pathienin hin, chawbiek inkhawmah fe ngei ngei ka tum a. Inkhawm kuota vawi khat chauh ka nei chu pumpep ka nuom naw leiin, ka'n zin chang khawm ka tlungnaa inthawka biek in hnai tak ka zawng a, ieng pawl am an nih, ieng tawng am an hman ti ngaituo loin ka'n khawm ve tawp hlak. Tuta tuma Tuihaphaia kar hnih ka cham sung khawm ka tlungna Bethela David Buhiril hai panthlang Assembly of God biek inah Sande Sikul vawi hnih ka zu kai a. Kha hmaa an renga an inkhawm tlang lai khawm khaan an tlawm hlak vei leh, tu hin chu pawl hniin an inthe a, an inthawl khawp el.

Biek in chang ve ve an nuom tlat leiin, inkhawm hung ding a dar biin an ruot a, chuong ang chun an Pathienan an ngai hmaah hmai tim thak loin an inlang hlak a nih. An khuo Bethel Village Authority hrietpui le phalna lo chun a tu pawl tieng tieng khawmin puo tieng mi thuhril rawngbawla ruoi an kha. Pastor fel tak le hring tak an nei a, an sawr ve ve a, a thawk-palai a ni tak. Hotu pahnhil rawng bawp kawe thei lo ti thukhawng chun an la siehré phawt a hawi. Pawl khat chu AG Kohran nawlpui pangngai an ni a, pawl dang chu, anni inti danin, AG (Localised) an nih. 'Localised' inti pawl hi kohran hmun le hma neitua inngai le chalaith, Hmar tawnga inlet chun 'Intibing/Kholbing Pawl' ti ding ni awm tak a nih. An buoiptu le lungkhawpui chu Pathien ram nek hmanin mita hmu thei mihriem ram le thuneina pumbil ni sien a hawi. Kei chu Pathien chawbieka fe ka ni a, an kansar zungin a mi sukbuoi phak ve nawh. Hmun le hma le thuneina hi lengkim LALPA ta le a lunginsietna kuta um vawng a ni leiin, Ama ring a, lungawi taka a thlamuongna tuipui chungsia intaw del del hi kei chun hadamthlak ka ti lem. Thil thei khawm ni sien, hieng huna an Pathien ni lem chu mit kha kar khawm pei naw ning. Hi thil hi Coleman le Watkin Roberts le an inhlai rabawk indina inlawihai phurrik a la ni zing.

March 26 inkhawm tina David Buhiril nu Alan Buhiril thingpui siem inhnikti taka kan dawn laiin Damdiei mi, Robert Lalmalsawm Sungte nu le a naunu khawm an hung leng lut a. Damdiei-a AG kohran khawm an buoi ve thu a hril a. Anni khawm an biek inah an inkhawm tlang phawt a, sienkhawm thawlawm thua, a nawlpuiin a zatnaa insem an rawt chu Localised pawl chun an remti naw a. Chu phinghle mani thangna tieng tienga thlak theina dingin thawlawm bawm pahnhil an sie a. A thenin an thlak suol a, thuhril laklaw lai dam thoin bawm pakhat mi kha an va lak suok a, anni tieng bawmah an thlak a. Chuong khawpa mi hmu khawm mawi loa an khawsak hnung chun a ziding pawla inngaihai chun an biek in chu talapuiin an kal tawp a, inah a hranin an inkhawm ve ve. Isu hung lai ni sien, khaw tieng lem am an thawlawm an thlak ding ti indawn hai sien, iengtin am dawn a ti aw? Kaisar bawm an Pathien bawm? Phinga Pathien nei pawlhai tawpna dinga Tirko Paulan a hril kha (Fil 3:19) tiem nawn rawp a va tha awm de aw!

Zaipu le inpawlna

Kum 2016 June-July khaan KRISTIAN HLA BU THLIRNA 1-3 ka ziek a. Thilr lina ziek pei dinga ka ti kha Assembly of God Kohran (Manipur District) buotsai INPAKNA HLA THAR BU-a hla chuonghai thluoina tieng ding a ni leiin le a bu ka nei vea ka hriet chu ka hmu zo el ta naw bakah hieng hla tam lem hi Manipur ka suoksan hnung, abikin India ram puo tieng a zawna kum 21 zet ka thang sunga pieng le saklar chauh an ni leiin hriet ka nei tlawm a. An sak ka hriet ve sun khawm mithi inleng tumtieng tienga hun chang phak ve chauh ruolin an khukupi, hang ngaitlak vuoi chun Kanan 'ram thar' inawina tieng, takrama inthawka inbikrukna hla deuh vawng ni awmin ka hriet hlak a. A then lem chun kalchar huonga inthawka an mai khawm sathu le thu tinreng thlak a, changal le inhuom but buta an suong pawl, a phul tiem nasat po leh thlarau baptisma chang rawna an ngai niin a'n lang bawk a. Ka la man them chie lo a tam.

Chun, 1930 bawr tung vela inchuktirna inlar, *Dispensational Theology* an ti, Old Churachandpur Mission Compound-a Bible School enkawltu Paul Rostad rawia an invet chilh, kum 2000 AD-a khawvel tawp a, kum sang rorel intan dinga inzirtirna dam, Roman Catholic le Protestant kohran insuot nasat laia Daniel le Thupuong lekhabu besana propaganda an the darh, ringtu hmasahaiin bu tak khuka an lo khukupi, tu laia ringna thila peteka ngaihai chauhin an bengkhawn tah ni awma inlang dam chuh an hlaah hin a luong lut teuh bawkin a'n lang a. A then lem chun bazaar Saptawng le pawlitisin hai, ramnhuoi mi hai, inru thei chi hrang hrangin a man hai tawngkam hman hlak tawng tuolleng le inleik, hla tawngkam ni hrim hrim lo an hlaah an hlu lut rawn bawk a. Chuleiin, hieng hlalhai le an 'ram thar inaw' le an 'ram thuthlung' hi bi chieng hma chun Part-4 ziek chu thil remchang ni-a ka hriet naw a, tu chen hin ka la ziek zawng naw hrim a nih.

INPAKNA HLA THAR kawpi (1993, 1996 & 2000) ka hmu hnungin, hieng hla phuoktu la damhai laia phuok rawn tak chu C. Lalthlunglien a nih ti ka hmu suok a. Inpawlpui ka nuom thu kan makpa Rev. Vanlalhlun Taite ka hril leh ka tlungnaah an mi hung pan a;

Drugs kingpin Pakhi Miyan man

GUWAHATI: Assam-a drugs sudawngna kawnga a kungpuia ngai Pakhi Miyan chu zani hmasa zan khan Paltan Bazar-ah a thawpui midang pakhat leh Police han an man. Pakhi Miyan le mana um midang pakhat hi Manipur mi Bikram Meitei a nih. An pahni hin Basistha Police station-ah thui lo thu indawmna nei mek a nih. Police chun Miyan le



Bikram hai hi ni 5 sung Police Custody-a an um la phal pek dingin ngenna siem hai sienkhawm Court chun Judicial custody (jail) a um dingin a rel a nih. (AT)

Nuhmei naupang kum 10 a pahrawn in an raitir

ROHTAK: Haryana hmuona nuhmei naupang kum 10 mi chu thla 5 mi nau pai a nih ti hrietsuok a ni a, naupang hi a dam-naw a, a ngirhmun a thanaw hle niin a enkawltu doctor han an hril. Nuhmei naupang anu hi Bihar mi labour sinthawa um a ni a, a naunu hi doctor a va panpui hman naupai a nih ti hrietsuoka hung um a ni a, nuhmei naupang hin a pahrawn in



vavi tam tak a lo suollui ta thu le, a thiltuok hi a hrilsuok chun that dingin a vau niin a nu kuomah a hril a nih. Nuhmei naupang in a naupai chungthua a pahrawn in a suollui hlak thu a hril le inzawm hin a nu chun Police station-ah thuiin complaint an pek-lut a, hi le inzawm hin Police chun a pahrawn hi manin case an siemkhum. Nuhmei naupang

thu le hla tienga inhnal pei, 'Hranghluhai Sulhngung' (2015) le 'Kawlva angin inleng them lang' (2014) ti ziektu, hla phuok them V.T.Kappu tupa Lallungawin a hung tawiwawm bawk a. Huon thing buk hnuoihai thungna remin, thu le hla ruoi kan the tan tah a nih.

Kum 1974-78 inkara 'Hmar Hla Suina' ka ziek lai khaan, khawm hun lai chena sakhuo hla phuoktu hai le an hla phuokhai a thang phak a. Ennawn le belsa sut nawk tumin kum sawm liem tah khaan computer-ah kan hlu lut a. Sienkhawm Baibil inlet le sut tieng hun ka hman laklaw leiin, tu chen hin thaw hman loin ka la um a. Buonglienkung le mi hrang hrangin hla an hung phuokhai le a hmaa ei hril 'Ram Thar Hla' dangdai tak tak hi hlu lut a tul makmaw-in ka hriet a. Research mi thawpui ding mi ka zawng a, pawmaw ti an tam a, sienkhawm a thaw thei le pei mi an vang. Thu le hla hrim hrim hi a phuoktu le ziektu khawvel chengna thlalak le hmelmang a ni leiin, a hung suokna tobul, a zung thlakna le keina leilung hriet lo chun a umzie tak hriet chieng thei a ni nawh. Lalthlunglien hla phuokhai dilsut taka suipui ding chun ama nek hmana a hla phuokhai ka sui chik a ngai. An hla phuoka inthawka an nina le ngirhmun puong suoka um hi an chanchin ei hrieta inthawka an hla phuok ei sui nek daiin an ril a, thu a fun lem. 'Hmar Hla Suina' ka buotsai lai khaan chu method chu a nih ka hman.

Kum za sunga Hmar tawnga thu le hla suokhai ei sui ding phaa mimir ngaituonaa inlang hmasa tak chu kristien sakhuo hla a ni ka ring. Chuonghai chu MIL textbook-a chen naupang inchuk dingin ei hlu lut ti a hretu vawng ei nih. Hnam changkang le hmasawm lemhai ruok chun thu le hla an sui ding pha leh sakhuo le inzawm thil hrim hrim chun thu le hla tling tawka an ngai naw a, hringnun sir tin huop zo, tlangkhuo thu le hla (secular literature) chauh an pawm. Eini lai ruok chu a letting hlauh a nih. 'Ram Thar Hla' ei tihai khawm hi kohran nawlpui lai a pawm lo le biek ina sak khawm kha hiel pawl ei um. Thenkhatin "A tha bek bek" thluka an sak laiin mi dang ta ding chun "A suol bek bek" thluka sak a ngai. A hnawl pawlin an pawm naw suol bek bek hlalhai chu ei secular literature-a pi le pu tienami le thlung kawp hlalhai an ni bik. "Tiena punchawng kur duom duom rawh, Nu, Ka sang a dang a char" ti khel chu pawm lo hrim hrim ei um. Vaimim but, a lu tieng ret puk puk a, a bul tieng ruok chu fak tieng loa ngaitu ang ei nih. Chu chun ei ngaituona sukthlek hang lutinle takzie le ei lunglil mit hang inkalh nasatie chieng takin a tar lang.

Sappui nun ka ngaisang nawh

Chuleiin, hi tuka kan titinaah hin Hmar tawnga tuolto sakhuo hla tam tak suok tah hai thung thlirna kan nei thuoik thuoik ruolin, hla hrang hrang a phuok san le phuok dan chanchin Lalthlunglien hril le tawngkam thenkhat, a bul le bal hre loa hriet them harsa ding a ngaihai a hril fie chu kan ngaitlak a, kan tlai hle. A hla phuokhai le a phuok san hung ziek suok a, a bu-a a hrana sutpek ka nuom thu ka hril nghe nghe a. A hla phuok danghai ditsut taka indawmna hun a ni nawa chaw, Editor ka nina hnuoia kum 2000-a Pherzawl High School Golden Jubilee (1951-2000) Souvenir kan suta Prof. L. Fimate thusep hung ziek, "Sappui Nun Ka Ngaisang Hle" ti ka zuk hriet suok vawng a. Ieng leia Sappui nun hnawt le el tuma khawvel hnam tin ei tan map mup laia "Sappui nun ka ngaisang nawh, kan ramah" ti hla hi a phuok el am a na? ti hi ka'n dawn a.

Vawi khat Committee an nei tumin an kohran kalchawinaa an tangkaipui thei dinga an ngai thil an rawt taphawt khaan anni laia lekha inchuk sang lem le ram fang hla deua inngaihai khaan, chuong chu khawng kha Saphai thaw dan an nawh tiin an hnawlpek vawng a. Chu boruoka inthawka hi hla hi a phuok a ni thu a hril. A hril laia ka na dara hung inri vawng vawng chu Pastor Thangnur hla phuok "Hnuoia taksa chawmna dingin" ti kha a nih. Hmun hrang hrang ei inzin chang thil tha tam tak ei hmu a, ei mihai nei ve dingin ei inhar a, an nei ve dan ding ei dap a, thang ei lak bawk a. A tha vawng. Amiruokchu, hmasawna thila hin ngaituo thelh um thei a nih. A hmangtu le sawrtu ding ngirhmun chawm hlen daih thil ei lak lut chun khawtlang siksawina rapthlak tak a hring suok a, a hmangtu ding thil, la hmangtu si lohahi kha a hmangtu thei ngirhmuona umhai chim ralin an um hlak. Tipaimukh Dam prawzek ei dodal san tak khawm a hmangtu hlaktu ding, a rama chenghai chu a hmangtu hlak thei ngirhmuona umhaiin chatuona an chim ral ding lei a nih. Chuleiin, Sappui nun ngaisang lei ringawta an nun pawhleua inhlieu hlum khawvela hin tiem seng lo hril ding an um. Ei rama kohran pawl hrang hrang laia taksa le thlarau siksawina um hi eini-ah Pathien ram indin tum loa Sappui nun pawhleu hnawta ei pheleng lei a ni lien khawp el. Sap le an kalchar biek hi bansanin Pathien chawbiek lem ei tiu.

Tlangkawmna

Ni danga ka'n zina ka la thaw hman lo, tuta tuma ka thaw chu kan sangnu damlo kan a nih. Ama hi ka nuhmei Dari pate Hleia (Rev. Zakhum sangpa) naunu, Saidan (Kangsat Ruoma) an nih. Zinlammuola um, kan umpui, kan tunu Jenica Hriemsangkim nu le pahai hang sir vak dingin ka tuhai thei rawl pahnhil thuiuin car-in Kangsat Ruom kan pan tung a. Kan hang lut tan chun, "Pu, hi lai hin nu pakhat a hmu nuom che a um a, 'Ka thi hmain vawi khat bek hmu ka nuom' a ti hlak a. I va chibai vak nuom?" an ta. Lam sir inchep taka chun kar inngath, ina chun kan va lut a.

Puitling in nghaktu an um naw a, nghaklakte pakhatin, lekha tiem pumin, in a lo nghak a. Tukvera inthawka var hung lutin a kha phak nawna chin in sung chu a'n thim rui a. "I pi a um naw maw?" tiin kan indawn a, "A zal" a ta. "A hmu nuom an um a, i va kei tho thei ding?" kan ta, damten a hung kei tho a. Ka lo inthungna, thungna seia chun a hung inthung a. "Tu am i ni leh? Khaw laia inthawka hung che?" tiin a mi'n dawn a. "Lalthlamuong ka nih, i u Dari pasal. Delhi-a inthawka hung ka nih" ka ta. "Ka U Muong kha maw? Ni thei naw ti niinn! Awium lo lo" a ta. "Ni e, ka nih. Ka hungna a sawr rei tah a. I damnaw thu an mi hril a, ka hung kan vak che a nih. Thaw, inchibai ei tih" ka ta, kan inchibai a. Kan inchibai hnung khawm chun, "A na... tak tak maw... a va mak del" a ti nawn sek a.

A vanga laia Zulkhawpui 'Varpar Arasi' ni hlak, a hmle' nga vadung kawi sari khawm elvar thei khawpa mi hril Vanchunglaizuor sing zotu tluk hie la ka ngai hlak kha, tu hin chu tumbailawk tiet chauh a lo ni tah! Hringnun hang derpezie hi aw! 1964-a Parbunga ka hla phuok ka hriet suok rum rum a:

Kumpui sul lam ang herin,

Hringnun vanglai tuoi par ang;

Sakhmel no-beina chulin,

Thadang rawng thing ang a chul:

Hnemtum sakhmel par, hnem lo par a chang.

Kan sangnu ka kan thu hi phek tam ziek ding um sien khawm, khe fai pup nekin, chil sukput tawk chara a khuoivalawn chen chaw hlm vuoi hin thu a fun rawn lem chang a um leiin, ei hril po chauh hi hun tawka ngai inla. Ka kan nuhnung taka mit ngeia hmutu ka thienpa David Buhiril kha hma khaan 'Hmangai nurawng zun zamah' ti thusep ngainuomum tak a hung ziek tah bakah, ka tupa Dr. Lal Dena khawmin, ama thlirna tukvera inthawkin, "Hluo lo Lungdi" (Luah loh lungdi) ti ziek dinga inkau zing a ni leiin, a sunzawmna ei dawng pei a ni leh masawmna tla fuolah ngai inla.

Delhi tlanga khawsa Darnagwun makpa, khawvel hnam tina mi cheng khawmhah hin fiemthu-titakin International Darnagwun Makpa Association anreng kan indin a, thlang lo Life President-a ruot kan nei a, a dang po chuh Vice-President kan ni vawng a. Kan Life President hmasa tak chu Dr. Rochunga Pudaite a na, kei hi Senior Vice President an mi ti hlak. Darnagwun makpa thar an suok zata lawlutna thu hriltu ka ni hlak. October 2015-a Dr. Pudaite muol a liema inthawk khaan Life President ka hung ni ve tah a nih. Ka zuk hril nuom tak chu, Kangsat Ruoma kan sangnu damnaw kantu ei hril kha khawvel pumpuia Darnagwun Makpa Association President a ni thu a nih. Keini laia aruka kan inkona ruok chu 'Thaibawi President' ti a nih. Life President-in a kan ding awm tak kan theia a um hi kan Association-in vangnei chungchuongah kan inngai. Kan bik hlawtu khawmin Elizabet chan chang vea a'n ngai a ni khawmin lengkim Lalpa remruot vawngah ngai inla. (Friday, April 28, 2017, Delhi).



ngirhmun hi a thanaw leiin a medical Board chun iengtinga hma lak dim vawisun hin meeting nei ti thuah PGIMS, Rohtak a tih.(NDTV)

LAKTAWI

Bihar le AP-ah Tekin mi 12 a denghlum

BHAGALPUR: Bihar-a chun zanikhan Tekin naupang 3 thangin mi 7 zet tekina denghlum bakah midang 2 in hliemna an tuok. Hieng mi 7 hai hi Bhabalpur, Katihar le Sitamarhi district haia Tekin a denghlum an nih.

Chun, zani zantieng khan Andhra Pradesh-a Anantapuram district-ah Tekin mi 5 a denghlum bakah midang 2 in hliemna an tuok baw.

Tui inhlieu inchuk-naah changsuolin a tla hlum

CHENNAI: Tamil Nadu-a Mogappair East a Summer Camp neinaah nuhmei naupang kum 8 mi, Nalambar-a Class III inchuklai PG Andrea chu tuiinhlieu a chuk naah tuah a tlahlum. Hi thil hi zani hmasa zingkra tlung a nih.

Andrea hi tui inhlieu an hnik lein a nu le pa han ni 11 sung training dinga an ti a nih. Andrea pa hi film industry-a associate director le coach nibaw a ni a, a nu chu IT Company-a thaw a ni a, hi thil tlung huna hin a nu le pa hai bakah a trainer khawm a um nia hril a nih.

Inrang takin hospital panpui a ni a, sienkhawm doctor han a hringna an san thei ta chuongnaw a nih. (ENS)

Pakistan in LoC-ah nasa takin silai a hung kap nawk

JAMMU: Pakistan sipai hai chun zanikhan Jammu and Kashmir-a Rajouri district sung Line Of Control (LoC) ah nasa takin silai a hung kap nawk lein LoC zula building tam tak a suksiet pha. Hienga Pakistan in silai a hung kap nawk lei le India sipai hai khawma an kaplet ve lein hi lai biela cheng mi 1000 vel hai chun an umma hmun an rausan tawl niin ei thu dawngna chun a hril.

Zani hmasa khawm khan Pakistan Army han LoC-a Nowshera area hmun motar hmanga an hung kap nawk lein civil mi 2 in thina an tuok bakah midang 3 in hliemna an lo tuok ta a nih. (PTI)

Helpawl 2 kap hlum

SRINAGAR: North Kashmir-a Kupwara district-a chun zanikhan helpawl le security forces hai an inkaptuo a, inkaptuona hin helpawl pahn kap hlum an nih tiin Army official thu-suok chun a hril. Army han Bhagatpura hmuna dapui an thaw huna helpawl hai hin silaia an lo kap leia inkaptuona hi tlung a ni a, an kuta inthaw ralthuom an man baw. (PTI)

Vuongna chin tla thlaah mi 5 thi

SARAJEVO: Zani hmasa zantieng 3:50PM khan Bosnia rama Mostar an tina hmunah vuongna chin chi pakhat a tla thla a, naupang 3 le Pilot thangin mi 5 in thina an tuok. Hi vuongna hi sunnithlak deuthawin hi lai vela vuong inlawm niin mita hmutu hai chun an hril a, tuoksiet a tuok nasan ruok chu hriet a la ni nawh. (AFP)

Iran rama sim-khawlei inhningah mi 2 an thi

TEHRAN: May 13, 2017 khan Turkmenistan le inrina Iran rama Bojnurd le a sevelah simkhawlei 5.7 magnitude a hratin an hning a, mi 2 in thina an tuok bakah midang 300 chuongin hliemna an tuok. April 5, 2017 khawm khan Mashhad hmuna simkhawlei 6.1 magnitude-a hratin an hning lein mi 2 in thina an lo tuok ta baw a nih. (AFP)

BJP CMs hai Presidential election zoah MP a inthawk an inban chau ding



NEW DELHI: Uttar Pradesh Chief Minister Yogi Adityanath le Goa Chief Minister Manohar Parrikar hai chun Chief Minister ngrihmun chel dingin national politics maksan hai sienkhawm India Presidential election zoah Parliament-a MP an nina chu an

inthla (inban) chau el theia hril a nih. Anni pahn baka hin Uttar Pradesh Deputy Chief Minister Keshav Prasad Maurya khawm president election zoah Lok Sabha Member a ninaa inthaw an ban chau ring a nih tiin party thusuok chun a hril. Dityanath le Maurya hai hi

March 19, 2017 a kha UP CM le Dy. CM dinga intiemkanna nei le Parrikar hi March 14, 2017 a kha Goa CM dinga intiemkanna nei a nih.

Dan dungzuiin state Chief Minister an ni pei theina dingin CM sin an chela inthawk thla 6 sungin MLA dinga thlangting an ni ngei a tul a, state Assembly a MLA an in candidate theina dingin MP an nina an inban phawt a tul baw a nih. Amruokochu, President election hi July thlaa nei ding a ni lein President Election zo hnunga khawm inban le MLA dinga thlang theina ding hun an la nei a nih. (PTI)

Nikhat sunga mi 7 thattu CRPF jawan hlui a thisaa hmu

SRIKAKULAM: Kum 2010-a nikhat sunga a nauhai pahn thanga mi 7 zet thattu CRPF jawan hlui Metta Shankar Rao (43) thisa ruong chu zani hmasa khan Sumantapuram village-a Vamsadhara vadung bula thulbuklai hmu a nih. Metta Shankar Rao thattu ni dinga ring pasal pahn hai chu Police kutah an inpe ta nia hril a nih.

Mr Metta Shankar Rao hin kum 2005 khan a nuhmei Vijaya a that lein kum

7 sung jail an tang a, jail-a inthaw parole-a a suok huna a naupa Divakar (6) le a naunu Manasa (6) hai chu ama jail intang nawk ding a ni leia a enkawltu ding an um chuonawh tiin November 30, 2010 khan an ringah tanbawngin a that a, hi ni hin midang 5 a that a, chu zoin Police kutah an pe a nih.

Shankar Rao hi April 30, 2012 khan Srikakulam Court chun thi dingin thiemnaw an changtir a, sienkhawm High Court-ah

a appeal a thaw lein Court chun hi thil a thaw lai hin lungril tiengpangah buoina nei a ni thu hriin police department chu enkawl dingin thu a pek a. Kum 2014 khan jail-a inthaw insuo nawk a ni a, jail-a inthaw a suok nawk hnung hin Vizianagaram district-a Bobbili hmuna security guard sin a hung thaw nawk a, jail-a inthaw a suok nawk ti hriean a ma theidatu han thuoimhanga an that el ni dinga ring a nih. (ENS)

SI post 698 lakna dingah candidates 67,218 an um

SRINAGAR: Jammu and Kashmir-a Bakshi Stadium a chun May 13, 2017 khan Sub-Inspector post 698 lakna ding le inzawmin Physical Endurance Test (PET) le Physical Standard Test (PST) nei a ni a, post 698 chau lakna dinga hin May 13, 2017 khan candidates 2,000 an inlang. Hi taka dinga candidates umzat chu an rengin 67,218 zet an um. Candidates hai laia 35,722 hai chu Kashmir phairuoma inthawk an ni a, a dang 31,496 hai chu Jammu region a inthawk an ni tawl.



thalai hai hi a nawn a nawnin sipai lut lo dingin an vau hlak a, an khat tawkin video hman-gin vauna an peksuok hlak baw a nih. Sienkhawm terrorist hai

vauna hi thalai sin zawng mekhai chun an dawnsak naw hle ti candidate tam dana inthawk hmu theiin a um. Recruitment hi sunzawm pei a la ni ding a nih. (TNN)

Community Radio stations subsidy 75% a sukpong

NEW DELHI: Sawrkar thlungpui chun India ram pumpuiah Community Radio stations indinna dinga subsidy 50% a pek hlak chu 75% in a sukpong niin Union Information and Broadcasting minis-

ter Venkaiah Naidu in ani hmasaa Chennai hmuna ministry hnuoia media units hnan hnan hai function dan a ennawn huna a hril.

Universities le NGOs hai hrilhmua ning an ta, India hmasakbiel (North east region) a chun subsidy 90 percent pek ning a tih tiin Mr Naidu chun Chennai hmuna reporter hai an hmupui huna a hril. (AIR)

North Korea-in Missile a kap suok nâwk

PYONGYANG: A thuhil a tak le khêl iem ti khawm hriet thei lo North Korea chun Inrinni khan US leh inbiek a nuom thu a hril zo chauva, Pathienni khan US le UN-in a theida em em ti a hriet zing, a meithallawn (Missile) siemthar chu a kap suok nâwk tah. Missile hi minute 30 vel a vuong hnungin North Korea le Japan inkar, Russia hnai tieng tuipui ah a tla.



Japan Defence Ministry chun Missile thar niin a hriet a. US Pacific Command chun, missile thar a nia chu 'inter-continental ballistic missile' chu a ni nawh tiin a hril ve. Tuta an kap suok Missile hin Km. 700 (mel 430) a hla a vuong a, an sang tieng chu Km 2,000 (mel 1,245) a nih tiin South Korea le Japan official hai chun an hril. February a North Korea-in Kusong a inthawka a kap suok intermediate-range nek khan a tlung hlain a vuong insang lem niin an hril.

Seoul-a Institute for Far East Studies, Kyungnam University-a Kim Dong-yup chun, hi Missile hi 'standard trajectory' hmanga kap suok nisien chu Km. 6,000 a kap phâk thei ding niin a hril a. Harvard Smithsonian Center for Astrophysics-a Jonathan McDowell chun, "Missile hi long range missile thar a nih el thei" tiin, an sang tieng Km.2,000 chen vuong thei chi niin a hril a. "Ngaimaw um tak a nih" a tih.

White House ah President Trump chun, "Russia lungawi thei ring a um nawh" tiin a hril. Asan chu Missile kha Japan nekin

Russia tieng hnai ah a thlak lein. "Missile kha Japan nêka Russia ram hnai tieng a vuong lut lein Russia chu a hlim bek ring a um nawh" tiin a hril a. "Hi thil hin rambung po po thangruola North Korea a nêka nasa lema hrem a hun tah ti suklangtu a nih" tiin a hril baw.

Beijing-a Silk Road thua meeting nei mek, Russia President Vladimir Putin thupesawngtu Dmitry Perkov chun, "President Putin le Xi Jinping han an ngaimaw em em a. Pawi an ti dun hle a nih" tiin a hril. Hi meeting-a hin South Korea, US le North Korea palaihai khawm an thang.

Missile a kap suok hun hi North Korea zingkar dar 5:27am (Pathienni) a nih a. Seoul ah chu 2027 GMT (Inrinni) a nih. March thla sunga North Korea-in Missile a ensin hlâwsam

A Kel 5 zawrin a tarpinu Ekin ding a bawlpek

LUCKNOW: Uttar Pradesh-a Kanpur district sunga Anantpur village-a nuhmei Chandana (85) chun a Kel 5 zawrin a tarpinu kum 110 a upa ta dingin ekin a bawlpek. Hi thil hi Central Govt in tlangram biela uoulau taka inzun le inhnawm sukbona dinga Open Defecation Free campaign a fepui mek le inzawma a thaw a ni a. A thilthaw hi thuneitu han an inpak hle

a, hi le inzawm hin kar thar khin Open Defecation Free (ODF) beneficiary cheque inhlana ni ding thu Kanpur Dehat Chief Development Officer (CDO) Krishna Kumar Gupta chun a hril. Ms Chandana chun, a tarpinu Mayadevi hi inhnawm dinga a fenaah a thuin a keru a sukltiek a, chu taka inthawk Kel 5 Rs. 18,000 a zawra Ekin hi a bawlpek niin a hril. (ENS)

Bihar-a Private bus kangah mi 3 a kanghlum



CHANDIGARH: Zani zantieng khan Punjab-a Bathinda bul laia Rampura Phool railway crossing bul lai Raiya Transport company ta passenger phurtu air-conditioned Bus chu a kang thut lein mi 3 a kanghlum bakah midang 23 in hliemna an tuok. Bus hi Bathinda a inthawk Ludhiana pana tlan a ni a, Bus hi a kang hnungin metres 300 vel a la tlan a, hi leia a bus pumpui hi a kang pha nia hril a nih.

Bus driver hi a tlanhmang lein man a la ni nawh. Hliem hai laia an rik zuol 4 hai chu Ludhiana hmuna Hospital panpui an ni a, 2 hai chu Bathinda Civil Hospital-ah enkawl an ni a, passengers dang 17 hai chu Rampura Phool civil hospital-ah enkawl an nih. Hi thu ei sut chena hin Bus kangin a kanghlum hai hming hriet a la ni nawh.

Kum 2020 chenah States 15 haiah Malaria sukbo tum

NEW DELHI: India ramah Malaria natna leia thina tuok an tlawm pei a, kum 2020 chena chun India rama states 15 haia chun Malaria natna hi sukbohmang beisei a nih tiin Health Ministry-a Director of National Vector Borne Diseases Control Programme (NVBDCP), Dr AC Dhariwal chun a hril.

Jammu and Kashmir, Himachal Pradesh, Uttarakhand, Punjab, Sikkim, Tamil Nadu, Kerala le Daman and Diu, Lakshadweep le Puducherry union territories hai chu Malaria um lona an ni ta ding a nih tiin Dr AC Dhariwal chun a hril a, sienkhawm Odisha, Chhattisgarh, Jharkhand, Madhya Pradesh, Maharashtra, Andhra Pradesh, Telangana, Meghalaya, Mizoram le Tripura haia district thenkhat hai chu Malaria transmission risk areas an ni thu, Bangladesh

le inrina Meghalaya le Tripura state-a district thenkhat haia chun Malaria natna hi a lam tam hle a, sienkhawm thang iemanizat liemta hai le tekhiin a tlangpuiin India rama Malaria natna hi a tlahnuoi pei a nih tiin Dhariwal chun a hril. National Framework For Malaria Elimination in India report dungzuiin kum 2001 le 2013 inkar khan Malaria cases hi 2 million a inthawk 0.88 million in a tlahnuoi a, kum 2014-a a kaisang nawk nasan chu focal outbreaks lei niin a hril. Sawrkarin interventions thar -Rapid Diagnostic Tests (RDT), Artemisinin based combination therapy (ACT), Long Lasting Insecticidal Nets (LLINs) le Monitoring and Evaluation hai introduced a ni lein Malaria case hi nasa takin a hung tlahnuoi a nih tiin Dhariwal chun a hril baw. (PTI)

For Malaria Elimination in India report dungzuiin kum 2001 le 2013 inkar khan Malaria cases hi 2 million a inthawk 0.88 million in a tlahnuoi a, kum 2014-a a kaisang nawk nasan chu focal outbreaks lei niin a hril. Sawrkarin interventions thar -Rapid Diagnostic Tests (RDT), Artemisinin based combination therapy (ACT), Long Lasting Insecticidal Nets (LLINs) le Monitoring and Evaluation hai introduced a ni lein Malaria case hi nasa takin a hung tlahnuoi a nih tiin Dhariwal chun a hril baw. (PTI)

INHRIETIRNA

Vawisun tarik 15/05/2017, 10:30AM hin Saikawt playground-ah Fahrel inher inelna a um ding a ni a. Khaw tina inthawk mi pahn (2) pei thang thei an tih. A thang ding hai chun Pu Richard Lalpanua (+91 8974562199) contact thei ning a tih.

Chun, chawhung dar 2PM vel hin Saikawt Playground-ah martyrs Day-a thang ding han Rehearsal nei an ta, Gun Salute pei ding han silai an kap puok bawk ding a ni lein mipui tukhawm lo chia lo dingin ei in ngenin ei inhrietir a nih.

Chun, ei hnam hmangaina leia an hringna hlutak lo inhlantuhai hrietzingna le inzanain 16th May, 2017, Hmar Martyrs' Day zingkar dar 6:00AM a inthawk mani gate sengah Hmar Martyrs Day Flag lo tar seng dinga ngen le inhrietir ei nih.

Sd/- Lalvullien Chairman, HMARTOB Sd/- Alan Famhoite Secretary, HMARTOB

ACCELERATE Bijang Family Lane Churachandpur XII Foundation Course-Engg/Med TOPPERS BATCH - Target JEE/NEET 2018 Prepare for XII Board & Engineering/Medical simultaneous Features: Faster Pace to stimulate brilliant minds & create State-Toppers (>80%) and Letter-Marks Competition Concept Based Teaching Foundation for Engineering & Medical Aspirants - Integrated with Board Preparation Eligibility: Above 60% in XI Boards (in Maths & Sc)

PIGROW Tablet

VAWK INTHANGNA DAMDAWI

I vawk zawr hun tlingna dingin kum khat nek tam nghak ngai tanaw nih.



A THATNA: * PIGROW mum hi Company-hai ti dan ang taka i pek chun thla 5 sungin kg. 70 chuonkai hman a tih. * PIGROW mum hin, i vawk chu i pek fana inthawk chaw der loin an thang tir thei.

A PEK DAN DING:

- * Vawk pakhatah nikhatah mum 20 (zingtieng mum 10 le zantieng mum 10) pek ding. * Box khat ah mum 600 a um a, chu chu thlakhat sunga a fakzo ding a nih. * Rawt phita pek in fak awlsam an ti lem.

INCHAWK THEINAHAI:

1. Hmingi Bethel, CCPur # 8414852391
 2. L.K. Screen Printing Lighthouse Lane, CCPur
 3. Pet Care Centre, Tiddim Rd. CCPur.
- Order tam dan dungzuiin HOME DELIVERY khawm kan thaw thei.

LAWMTHU HRILNA

Hun iemanichena inthawk ta khan Pile natna ka nei a. Sawt tak tak inhnawm nain hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chawin ka hung cher deu deu a. Ka beidawngin MV Azad Phusam ka pan a, hun iemanichena a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hril a nih. MV Azad Phusam hi nitin 8AM-4:30PM inkar sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekrwn thei a nih.

Lawmthu hriltu, Sd/-Haony Bijang

Kapil Mishra khawhre lovin

NEW DELHI: Delhi AAP sawrka minister a ninaa inthawka ban Kapil Mishra chu zanikhan a official residence a press conference hunah khaw hre lovin a tlu lein inrang takin Ram Manohar Lohia Hospital panpui a nih.

Press Conference a hin Mr Mishra chun Aam Aadmi party (AAP) chu Election Commission (EC) kuoma donation an dawng zat (figures) an peklut naah khel hrilin an tum a, kum 2013-14 financial year-a AAP in Rs. 9 crores neia an inhril laiin kha huna AAP bank account-ah Rs. 45 crores a nei a, AAP leaders han party workers hai hriet loin Rs. 36 crores an thuprak a nih tiin an tum baw a nih.

Mr Mishra hin Chief Minister Arvind Kejriwal chu AAP leaders 5- Sanjay Singh, Ashish Khetan, Raghav Chadha, Satyendra Jain le Durgesh Pathak hai kum 2 sunga ramdang an inzimaas sum an laktluta (source) puong dinga ngen. May 10, 2017 a inthawka kha a official residence-a bungheia nuorna nei tan a nih. Mishra hi May 6, 2017 a kha minister a inthawka peithlak le a hnunga AAP a inthawka hnawtdawk a nih. (IANS)

Indo-Pak border-a ICP ah Full-body Truck scanner

CHANDIGARH: India le Pakistan ramria Attari hmuna Integrated Check Post (ICP) a chun Truck panpui scan theina ding (Full truck body scanners) inbun vat ni tang a tih tiin Union Minister of State for Home Affairs Kiren Rijju chun a hril. Hi thu hi zani hmasaas feet 107-a insang India Flag a keiphar huna a hril a nih. Full-body Truck scanner hi tuta hmaa inbun dinga ti a nita a, sienkhawm buoina dang dang um leia sukhnuka um a ni thu Rijju chun a hril. ICP a hin Rs. 50 crores manhu full-body truck scanners pahn le Rs. 5 crore sengin high definition CCTV cameras inthut a ni dingin ei thu dawngna chun a hril. (ENS)

IMPHAL Viva-Voce huohawt dingin an ngen



IMPHAL: Directorate of Education (S) hnuoia Office Assistant Post 217 lakna dinga nikuma Written the typing test-a fethleng (hlawtling) Candidates le Guardians hai chun zan-ikhan Manipur Press Club, Imphal-ah Chanchinbumi-hai an inhmupui a. Written the typing test-a hlawtling hai ta dinga Viva-Voce huohawt dingin Mr Waikhom Ingochouba, Chairman, All Manipur Education (S) Office Assistant Written & Typing Test 2016 Successful Candidates & Guardian Association chun sawrkar a ngen.

SDC, Sagolmang Rs. 22,250 chawi dingin

IMPHAL: RTI Act, 2015 dungzuia indawna siema an a dawn naw lein M. Suranjoy Singh, SDC/SPIO, Sagolmang chu Rs. 22,250 chawi (fine) dingin um a dawn naw lein M. Suranjoy Singh, SDC/Commission in a rel.

Yemen ramah Cholera lein mi 115 thi

SANAA: Yemen rama chun Cholera (sungkhaw) nasa takin an leng a, tuchena hin mi 115 in thina an tuok ta bakah midang 8,500 hai chu hospital tum tum haia enkawl mek an nih tin International Committee of the Red Cross (ICRC) chun zanikhan a hrii. Hi thu hi zanita ICRC director of Operations Dominik Stillhart in Sanaa hmuna news conference hun a hrii a nih.

France President naupangtak Macron laklut a nih

PARIS: France President hmingthang Charles de Gaulle in 1958-a Fifth Republic a siem hnunga pieng hmasatak, Indopui 2-na hnunga France President la naupangtak ni dingin Emmanuel Macron chu Pathienni khan Paris khawpuia Eiffel Tower hnunga Esplanade des Invalides ah ropuitaka laklut a nih.



President Emmanuel Macron laklut lawmnaun Gun Salute wavi 21 pek a nih a. A pui dum dum hle. Kum 39 chauva upa Macron hi ama neka upa a nuhmeiin a tawiauw a, a party thuoitu tamtak an thang bawk a, President hlui ama tantu Francois Hollande leh. Thenghat chun, khawvêla economy lientak rambung pangana, employment problem le economic migrants le refugee problems le globalization-in a chim buoi mek France ram, ngaidan inphir tak mipui thoiu ding chun kum thum chauva a party khawm la upa hi an ringzo bek naw thu an hrii. President thar dinga laklut Macron a party indin "En Marche" (Republic on the Move) (REM) hi kum thum chau a la nih a. France rama political party un tak takhai le fedan

kalmhang hluihai po po a hung thiekdar a nih. Ama tantuhai chu EU le inkawp tlat a, ramrihai inthlaza, business friendly reform uor nuomtuhaia an nih a. Hi hi far-right Marine le Pen a hnena khawm a nih. Amiruokchu, Macron hin a political party indin thar REM le a policy hai hlen puittling theina ding chun hung thung ding June a Parliamentary election ah hnena a chang ngei ngei a ngai a nih. Tam tak chun French mipuihai sin puotieng a suok rawn taluo tah a, puotieng mi hung luot han sin an nei zo tah niin an ngai a. French mi indiktakhai sin pek uor ding ti hi an thupui a nih a. France sukropui nawk ding tina a nih. First round election-a kham 45% chun Marine Le Pen an dit lein, Macro policy ditawtu 45% an um tina a na. Chuleiin, siemthatna sina hin a ring

Cyber Attack thuah sawrkârin inring dinga hrii

NEW DELHI: Zirtawpnia intan tulai khawvêla 'cyber attack' rapthlaktak le inzawmin, India sawrkâr-a Cyber Security kut le ke Computer Emergency Response Team-In (CERT-In) chun institutions le company pawimaw RBI, Stock market le NCPI hai chu hi cyber attack laka inthawka inveng fimkhur dingin an hrietir tawl a. An thaw ding le ding naw hriin, invengna dingin "patches" pawimawhai chu thaw (up date) vat vat dingin an hrietir tawl a. CERT-In hrii dan chun, computer network pakhat hai chu awlsam deuin thawk le khatin a suksiet vawng thei a, e-mail fe thleng khawmin attachment angin computer operating system a suksiet thei bawk niin a hrii. Microsoft Window Operating System, abikin Microsoft XP le Window Server 2003, Microsoft-in a support (thangpui) talohai India rama mi tamtak in an la hmang niin a hrii bawk. Microsoft Window taphawt security up-date a siemhai hmanga an computer hai venghim dingin a hrii tawl. Hienglai zing hin, Europol chun, rambung 150 neka tana mi le company 200, 000 hai a sukbuoi tah niin a hrii. Cyber security expert hai chun, hi virus "WannaCry" an ti "ransomware" hin car factory, hospital, dawr le school haia computer hai a suksiet a. Thaw khat a hung thaw nawk ngei an ring thu an hrii. Europol director Rob Wainwright chun, "Ransomware" a danglam bika, "worm functionality" nei a nih lein infection hi automatic a nih lein a hrata dang khawm an tak

Amiruokchu, chanchin an dar hrât tah lein inhlenna chun pawisa an hmu tam bek a ring naw thu a hrii. A hre zing sia computer system restore nawk nuom, pawisa pe nuom company hai a inthawk chun tamtak an hmu el thei ti thu a hrii bawk. MUMBAI: Khawvel pumpui ah Pathienni May 14 chu Mothers' Day anga hmang a ni angin Bollywood actor le actress hai khawmin Mothers' Day le inzawmin an nuhai thu tha hla tha hai inbain social media haia an nuhai an inpak nasa hle. Biekin sùngang program nei naw hai sienkhawm internet le In thenkhat ah Mothers' Day an lo hmang ve a nih. Milar thenkhat Deepika Pandukone, Alia Bhatt, Sonakshi Sinha, Shradha Kapoor, Sushant Singh Rajput, Anil Kapoor, Arjun Rampal le Dai Mirza hai chun social media fethleng in nuhai ditsakna chibai an buk tawl. Deepika Pandukone, nu le pa ngaina tu chun, a nu le an thlalâk tarlengin, "Love you Ma...@MothersDayEveryday (sic)" tiin a post. Film siemtu Karan Johar, March thlaa mi dang phing hmang (surrogacy) a nau inphir nei chun a ruoltha tak Farah Khan a inthawka ditsakna chibai bukna a dawng

Queen Elizabeth (91) in Ruosur Hnuoia Horse Show LONDON: Kum 91 zet a ni taa chu 1943 a inthawka an lo thaw tah, informal taka Queen Elizabeth khawm an chei theina ni, Royal Windsor Horse Show-a thang dingin, ruosur hnuoia, a puon lukhum (silk headscarf) khuma ding hung nei zen zen lo khumin a suok a, inpak le lawm a hlâw hle. A puon lukhum hi simple tak a nia chu parte le hna mawitaka Tunisian designer Leila Menchari design a na, Rs. 45, 000 vèl (£295) man a nih. Lulun hin rângkachak le lunghluu cheimawi puon mawi tak tak le manto tak tak a nei teua, khawvêl mihai inhnar a ni lain ama



ruok chu an cheina hi a ho thei em em a. Informal taka nuhmei narân anga um hi a nuom chang a um ve hlak a. Chong chun a lêng suok ve hlak. Hi ni khawm hin Rain coat simple tak leh headscarf tiel a khuma, ruosur hnuoia a pawisa nawh, hmêl hlim sieuin Sakawrhai tlan inelna hi a va sim a nih. Royal Windsor Horse Show hi Indopui pahni (1943) a inthawk kham miretheihai t hangpuina dinga Royal Family fund raise-na dinga thaw a nih hlak a. Prince Philip khawm kum 30 sung chu hi Horse Show-a hin a thang hlak a. Wavi khat char,

Meghan Fox, Sûnghai Leh Malibu ah Mothers' Day

MALIBU, LA: The Transformer film inlâr taka nunghâk hmêltha tak sexy deuh le nal deu kha tuhin chu nau pathum nei tahin sùngkuo indin tan mek, nu tak tak a ni ve tah a. Anachu a la nunghakina a la nal hle tho. Kum 30 nih taa nau pathum nei ve tah Meghan Fox chu a pasal Brian Austin Green (43) leh an nauhai pathum laia naupangtak Journey thla kuo mi pawmin, a upatak Noah (4) le Bodhi (2) hai a keithuoaia Pathienni khan Malibu beach ah Mothers' Day an lo hmang ve. Meghan Fox chun zakuo var inphan hâkin kekawr skin-tight dum inphan bawk, nilum thuum le sandal a bun a. Simple deuin a sam dum hnap chu an khaithlatir vawnga, kawi thla sieuin a sunglass dum bawk leh naute Journey a



zak kep a. An pa Green khawm T-shirt var le kekawr bul le Sneaker dum a bun a. Bag le thuumhnawhai a khai a. Kum

40 chuong an taa chu a la tlangval ve hle. An naute Journey khawm kum khat tling tep an tah a. Jumper var a dum tiela design, baby suit a hak a. Nisa var em em chu mit insim sui suiin tang vul vulin a thlir vel a. Naute lungril inthieng tak a thil hmu taphawt mak la ti vawng hmêl inthieng, a hner a phen suka lâwm pham um tawk lai tak a nih. Noah khawm T-shirt leh, Bodhi chu pheikhaw bovin, kekawr bul tiel le T-shirt dum a hak bawk. Sungkuo ngainatum tak an nih. Meghan Fox le Green hi 2004 kham an inzu tan a, 2010 kham an innei a. Vangduoi thlâk takin 2015 kham an inthe a, Fox-in inmak a rawt lein. April thla kham Fox hin nau a pai ti a hriet a, an inrem nawka an innei nawk tah a nih.

Manipur Idol Season-1 Final May 27-ah



CCPUR/IMPHAL: Hmar nunghak Christina Shakum thangna Manipur Idol Season-1 nikuma inthawka lo thaw tan tah Grand Finale chu May 27, 2017, 4:00PM a inthawk khin MFDC, Kongnung Mang, Imphal hmuna nei

dinga programme indoung fel a nitah. Nk. Christina Shakum hi Platinum star winner lo nitah a ni a, Idol Grand Finale a ding hin nasa takin a puocha mek. Hlawtling-na hung chang ngei dingin ditsakna ei inhan.

Bollywood Khawmin Mothers' Day A Hmang

MUMBAI: Khawvel pumpui ah Pathienni May 14 chu Mothers' Day anga hmang a ni angin Bollywood actor le actress hai khawmin Mothers' Day le inzawmin an nuhai thu tha hla tha hai inbain social media haia an nuhai an inpak nasa hle. Biekin sùngang program nei naw hai sienkhawm internet le In thenkhat ah Mothers' Day an lo hmang ve a nih. Milar thenkhat Deepika Pandukone, Alia Bhatt, Sonakshi Sinha, Shradha Kapoor, Sushant Singh Rajput, Anil Kapoor, Arjun Rampal le Dai Mirza hai chun social media fethleng in nuhai ditsakna chibai an buk tawl. Deepika Pandukone, nu le pa ngaina tu chun, a nu le an thlalâk tarlengin, "Love you Ma...@MothersDayEveryday (sic)" tiin a post. Film siemtu Karan Johar, March thlaa mi dang phing hmang (surrogacy) a nau inphir nei chun a ruoltha tak Farah Khan a inthawka ditsakna chibai bukna a dawng

Queen Elizabeth (91) in Ruosur Hnuoia Horse Show



LONDON: Kum 91 zet a ni taa chu 1943 a inthawka an lo thaw tah, informal taka Queen Elizabeth khawm an chei theina ni, Royal Windsor Horse Show-a thang dingin, ruosur hnuoia, a puon lukhum (silk headscarf) khuma ding hung nei zen zen lo khumin a suok a, inpak le lawm a hlâw hle. A puon lukhum hi simple tak a nia chu parte le hna mawitaka Tunisian designer Leila Menchari design a na, Rs. 45, 000 vèl (£295) man a nih. Lulun hin rângkachak le lunghluu cheimawi puon mawi tak tak le manto tak tak a nei teua, khawvêl mihai inhnar a ni lain ama

Paris Jackson-in A Saruok Thlalâk A Share



LOS ANGELES: Tleirâwl, puittling thar, Michael Jackson nau upatak Paris Jackson (19) chun modelling le entertainment khawvêl lûchil tak tak tamin a taksa mawina le lungril thatmahai khawm hmang tangkai dan a thiem hrat ta hle. Mi tamtak taksa an hmang pawlawt mei mei ang nih lo deuin a saruok thlalâk a fans hai a share a, a lungrila ngaituona thubai a hrii bawk. "Saruokna hi tamtakin hurna leh an hmetkawp a, an nawh. Saruokna chu mihriem ei nina bul taka kir nâwkna a nih a. Thilsiem-a kir nâwkna, 'zalenna puongsuokna' le 'hriselna entima' a nih. Saruok hi ei pieng dan hrim a ni a, mihriem ei nina indiktak suklantu a nih. Ka ta ding chun Mama Gaia (Mother goddess Gaia) min hnaitirtu a nih. Huona ka fe chu saruokin ka um hlak" tiin nature le inchalremna a nizie a hrii bawk. Paris chun, "Hollywood-a mi tamtakin an taksa an hmang anga hmang pawlawt

ding tina an nawh. I taksa pum kha Tempul niin in za ding a ni bakah, nuhmei i nina indik taka suklantu a ni lein i nina indiktak pholangtua hmang ding a nih, saruokin annawleh thuumhnaw inbel khawmin" tiin a hrii a. "Ei taksa pum chu ieng angin lo tha naw sienkhawm, pan le serhai lo um sienkhawm, ei taksa Siemtu mi pek ang tak chu inzaa ngai hlut ding a nih. Ei nina ang ang chu puong suokpui ngam ding a nih" tiin a hrii bawk. A thlalâk lo inzakupitu fans dan an lo um chun a nuom nuomin an 'unfollow' thei ding thu a hrii bawk. Paris Jackson hi a la nau-panga chu ama khat theina ngei hmanga hming ser ve a tum tlat a. Model puittling a ni el tah bâkah movie star khawm a ni ding a nih. May thla bul kham Nash Edgerton direct ding feature film a chang ding ti thu E! News-in a ziek. France model company pakhat le Amazon Studios leh contract neia hriet a nih.

Nicola Adams in Maryan Salazar a hneban



LONDON: Britain double Olympic gold medalist Nicola Adams (34) le Mexico mi Maryan Salazar (18) hai chu zani hmasa kham Leeds hmuna an inhnak a, round thum naah Maryan Salazar hi a hneban. Tuta tum hi Nicola Adams in professional bout-a

May 13, 2017: The 5th Hmar Martyrs' Trophy Badminton Tournament Grand Finale: RESULTS



#Junior Champion: Dennis R Joute s/o Upa Robert Joute of Saidan. Runners Up: Lianminlal Haokip s/o Paukholun of Muolvaiphei. #Single Men's Open Champion: Heikrujam Punshiba Singh s/o Jugin Singh of Imphal. Runners Up: Jose Lalthlangfel Tusing s/o John F Tusing of Apollo Veng, Lamka. #Doubles Open: Heikrujam Punshiba Singh s/o Jugin Singh of Imphal and Ningombam Nandaraj Singh s/o Ningombam Manglemba Singh of Imphal. #Junior Champion: Dennis R Joute s/o Upa Robert Joute of Saidan. Runners Up: Lianminlal Haokip s/o Paukholun of Muolvaiphei. #Single Men's Open Champion: Heikrujam Punshiba Singh s/o Jugin Singh of Imphal. Runners Up: Jose Lalthlangfel Tusing s/o John F Tusing of Apollo Veng, Lamka. #Doubles Open Champions: Heikrujam Punshiba Singh s/o Jugin Singh of Imphal and Ningombam Nandaraj Singh s/o Ningombam Manglemba Singh of Imphal.

ENGLISH PREMIER LEAGUE:

Manchester City chun Champion lai mek Leicester City an hne a, Arsenal-in Stoke City an sawp ve thung

Inrinni zan English Premier inkhelhai lai Early Kick-off ah Manchester City chun Leicester City an lo mikhuol a, 2-1 in an lo hne. Minute 29 naah David Silva chun Manchester City ta dingin goal hmasa a thun a, minute 36 naah penalty an hmu a, chu chu Gabriel Jesus-in a thun a, chu zo half hma charin Leicester City tieng Shinji Okazaki chun goal khat a hung thun ve a. Half chenhah Manchester City chun 2-1 in hma an thoiu nghal a nih. Half hnung minute 77 naah Leicester City chun Penalty an hmu a, anachu Riyad Mahrez chun a thun nawh. Hi lei hin Manchester City chu an hrat sawng ta a nih. Tuhin Manchester City hi pathumna an ni mek a, Leicester City ruok chu 11-na an nih. Arsenal chu Stoke City



khelmuol - Bet365 Stadium tieng an van zin ve a, khuolrâlah 4-1 tawpin hratna an va chang a, point hlu tak pathum va hlawsuokin table-ah pangana an la ni sunzawm pei. Inkhel pahni la um ding lai Liverpool an chesuel kek chun top 4 kai thei ngirhmunah um mek. Arsenal ta dinga goal thuntuhai chu Oliver Giroud(42' & 80'), Mesut

Oezil(55') le Alexis Sanchez(76') hai an nih a. Stoke City ta dingin Consolation goal Peter Crouch-in pakhat a thun bawk. Stoke City hi tuhin 13-na ani mek. Swansea City chun table mawngdâpa um Sunderland an inkhelpei ve a, Sunderland hi relegate sa an ni lai zingin 0-2 tawpin an hrat naw lem. Swan City ta dingin minute 9 na le 45 naah

Fernando Llorente le Kyle Naughton haiin goal khat ve ve an thun. Swansea City an hrat le inzawmin relegation zone an hlat met a, anachu inkhel vavikhat char an nei ta a, chu chu an hrat naw a, Hull City, inkhel vawihni la nei an hung hrat chun Swansea hi relegate an ni ding a nih. Relegate sa tho Middlesbrough chun Southampton an lo mikhuol ve a, 1-2 in an lo hne nawh. Southampton ta dingin Jay Rodriguez(42') le Nathan Redmond(57') hai chun goal khat ve ve an thun a, minute 72 naah Middlesbrough tieng Patrick Bamford chun goal khat a thun bawk. Minute 64 naah Southampton chun Penalty an hmu a, anachu Shane Long-in a thun nawh. Tuhin Southampton hi Table-ah pakuona an ni mek.

Bengaluru le Mohan Bagan Fed Cup Final an lut

CUTTACK: Federation Cup khel mekah zanikhan Bengaluru FC chun semi-finals-ah I-League Champion Aizawl FC chu 1-0 a hnein Bengaluru Final an lut. Chun, Mohan Bagan in zani ma kham semifinals-ah East Bengal chu 2-0 a hnein final an lut ve.

England, Germany, Spain le Turkey hai an qualify

October 6, 2017 a inthawk India rama FIFA Under-17 World Cup hung um dingah European football powerhouses England, Germany, Spain le Turkey hai an qualify. England hin Under-17 EURO quarterfinals-ah Ireland 1-0 in a hne a, Germany chun Netherlands 2-1 in a hn ea, Spain le Turkey hai an hung zawm ve ta a nih. Asia khawmuolpuia inthawk a mikhuoltu ding India thangin Iran, Iraq, Japan le North Korea hai an qualified a, South America tienga inthawk Brazil, Chile, Colombia le Paraguay hai an qualify bawk a nih.

India in Medal 10 a lak

New Delhi: New Delhi hmuna Asian Wrestling Championship neia chun Gold 1, Silver 5 le Bronze medal 4 a lak. Zanita final round huanah Sumit chun a khingpui Yadollah Mohamadkazem Mohebi of Iran chu 2-6 in a hnenaw lein pahinna a lak a, Indian wrestlers han hi championship-a medals an lak po chu a rengin 10 a ni a, nikum nekin medal pakhatin an lakrawn. Nikum a Bangkok hmuna Asian wrestling championship a kham India team chun medal 9 an lak a nih.